

A nenga entrada na dos trahado:

Persecusion politico a cuminza den ATA

ORANJESTAD(AAN) "Rosa a laga Jan bay", pero den ATA Jan no kier move pa nada di mundo y al contrario ta Jan kier pone otronan bay.

Dos empleado di Oficina di Turismo a ser nenga entrada door di e director cu aparen-

temente ta basa su mes riba u: carta cu empleadonan di oficina di turismo lo a firma contra e dos trahadonan.

Segun informacionnan cu DIARIO a haya, e director di ATA lo a basa su mes riba un carta cu na un forma hopi tendencioso a ser firma door di

empleadonan di dicho oficina cu lo ta contra e dos empleadonan.

Den curso di ayera ya caba algun empleado cu lo "mester" a firma e carta a distancia nan mes di e carta cu na prome instancia a ser uza contra e dos empleadonan.

Aparentemente te awe e director lo haya oportunidad pa hala bek su decision pa schors e dos empleadonan y si e no haci esaki e lo haya su mes ta bay duna cuenta den corte den un caso sumario cu e empleadonan lo entama contra e director.

Ki rol ministro Tico Croes a hunga den henter e asunto aki pasobra aparentemente e director di ATA lo a manda un carta via fax pa ministro Tico Croes pa asina cu bendicion di e ministro schors e dos empleadonan aki.

Ministro Tico Croes mes ta mas ocupa cu bulamento den avion pa loco pa Hulanda riba abao y ningun hende sa kico e ta bay haci pa gobierno den exterior pasobra gobierno keto bay ta demisionario y

manera cu cos ta pinta huramentacion di e gabinete nobo tambe lo bay dura y si gobierno sinta mes ta cuanto tempo esaki lo wanta.

No tin base di confianza entre e dos partnernan den e gabinete nobo y sin base di confianza y sin comunicacion entre e partnernan den e gobierno nobo e combinacion AVP / OLA por wanta?

Un di e trahadonan cu a worde geschors ya pa basta tempo caba tabata sinti e efectonan di persecucion politico pasobra te cu aña pasa net prome cu eleccion e trahado aki no tabata tin ni un buro pa sinta.

Ta ora cu un remitido a sali publica den DIARIO relaciona cu e problema aki, e director a core regla un buro pa e trahado, pero aparentemente debi cu e gobierno AVP / OLA lo continua, persecucion a cuminsa di nobo.

DIARIO a busca informacion cerca departamento di ministro Beke cu pronto lo bay atende asuntoonan di turismo, pero mirando cu Beke

no ta ministro di turismo ainda e departamento di Beke actualmente no a ser poni oficialmente na altura y nan no por haci nada ainda.

Tin un grupito den ATA cu ta teme pa e posicion dushi cu na tin ey den pasobra cu Beke na caminda pa ATA, fiestanan lo bay caba y sigur e asunto di entre otro World Youth Festival lo worde investiga pa asina saca afora unda placa a bay.

Por ta asina cu e dos trahadonan mester worde saca na tempo prome cu Beke yega pa asina cierto asuntoonan por keda tapa pa evita cu e dosnan aki cu no ta tene nan boca sera, no basha abao y bisa loke ta pasando den ATA?

E trahadonan cu a firma contra e dosnan cu awor no por bay nan trabao mas por para den corte e declara bao di huramentacion pa loke nan a firma?

E escandalo di ATA lo bay rebenta durante dianan venidero ora cu puitonan cuminda core sali den tur direccion.

Corte Superior a reduci e castigo

5 AÑA DI PRISON PA HOMBER CU A TIRA EMPLEADA DI HOTEL NA CABEZ

ORANJESTAD(AAN) -- E victima di Nelson Ras a rabia masha ora el a tende Corte Superior condena Ras na un castigo mas abao cu loke Corte di Promer Instancia a impone.

Ayera e tabata presente den sala di Corte pa scucha kico e sentencia di Corte Superior ta y el a keda masha disgusta cu riba peticion di Procurador General interino mr. Lugo, Corte Superior a reduci e castigo.

Manera DIARIO a publica, Procurador General mr. Lugo a pidi Corte Superior pa reduci e castigo di 7 aña di prison pa 5 aña pa Nelson Ras kende dia 29 di September 1997 den dia cla a tira A.T. durante cu e tabata traha na Divi Divi Hotel.

Durante tratamiento di e caso Corte Superior a muestra Ras cu tabata un milager cu e victima no a muri. Tabata falta 1 cm pa e bala perfora cerebro di e victima.

Un problema amoroso a culmina te asina leu caminda Nelson Ras a tira A.T. y despues kier a mata su curpa.

Apesar cu Procurador General interino mr. Lugo ta haya cu intencionalmente Ras a mik y tira A.T., e ta haya e castigo di 7 aña di prison mucho halto. El a muestra cu den Corte di Promer Instancia, Fiscal a exigi 5 aña di prison. E ta haya cu 5 aña di prison ta na su lugar.

Ayera merdia Corte Superior a dicta sentencia caminda nan a destrui e sentencia di Corte di Promer Instancia y a dicta sentencia di nobo. Nan ta haya Nelson Ras culpabel di a purba mata A.T. y a con-

den'e na 5 aña di prison kitando e tempo cu el a pasa caba den detencion.

A.T. kende tabata presente den sala di Corte a rabia ora el a tende cu e castigo a baha. El a bisa algun cos na Nelson Ras cu ta muestra cu e no ta contento cu Ras a haya asina poco castigo pa loke Ras a haci cunc.

JANG LAGA GEPI BAI!!

